



西陂類稿

公移

第十三冊



西陂類稿卷三十八

商丘宋榮牧仲

公移一

黃州爭均兌詳文

竊照漕糧北運事屬創始凡百

法公平

為主庶幾

軍民兩便可以經久行之而無弊若

若

袒于民則

軍必不服而究竟無益于民左袒于軍則民必不

服而究竟無益于軍職遵奉憲撥黃州衛二十四

船受兌黃岡縣漕米于本月十五日樊口開兌其

餘各船照依運官派定各次行令赴彼候兌矣五

西陂類稿

卷三十八

一

日以來已經兌過漕米九千餘石軍民悅服寂無

一言今二十日午時忽有一二刁軍布散流言聳

動運官突有七十二船均勻受兌之說已去之船

仍欲追回遂致人心惶惑交受不前職身膺監兌

不得不從公一言也所云均兌者不過以水次零

星顧比失彼耳蓋各水次一時開兌或有顧此失

彼之虞今則監兌者職領運者千總宋舉勢必由

黃岡循次而下豈黃岡乃職二人開兌別處水次

更何人開兌乎其無勞彼此分顧可知矣又則

以襄荊二幫同在省城受兌為言不知省城水次

原在一處黃州水次分在八處安得強爲援引若然則各處倉廩可以改設于樊口乎勢不能不分兌也若聽其均兌流弊有五一則人多生事也一船旗丁水手約有二十餘人以宋千總所領七十四船計之將及一千四百餘人若合德安所四十一船計之將及二千三百餘人矣人多勢大約束難行其弊一也又需索無窮也今以一船兌一倉之米旗丁人少糧里尚可支持若均兌則二千三百餘人各向糧里遍爲需索必致軍民爭鬪控告無已其弊二也又泊船不便也水次各有大小如

西陂類稿

卷三十八

二

武昌興國等處僅可停泊數船今各次船隻一齊俱至停泊何所其弊三也又往來可虞也今以派定水次各赴彼處候兌甚屬妥便若均兌則往來江面風濤可虞其弊四也又稽查不便也今循次開兌可以嚴查盜賣折乾等弊若各船一齊亂兌奸弊易起防範難周其弊五也在衆旗丁各有良心亦以職言爲公惟一二刁旗妄欲紛更耳否則黃岡派船發自憲臺各處派船原係運官與各旗丁商酌而行冊報到職今何以突然變易乎况黃岡已有成效各屬勢如破竹一有游移貽悞非小

伏乞憲臺嚴飭運官速照原派處所循次受兌漕
運幸甚

通永道辯霸昌扳累詳文

看得通永州縣為畿東第一衝繁之區既係兩京
孔道又為陵寢重地翠華不時臨幸皆係通
永州縣獨力供應竝無霸昌州縣協濟况通武尤
為南北水陸要衝剝運漕糧解送重犯日撥車輛
動需千百晝夜奔馳絡繹不絕自通登陸直抵山
海七百里之中沿途州縣節次接替曾無寧晷而
且喜峰等處差員往返起數甚多支應行糧日不
暇給與霸昌所屬衝僻相去天淵乃于兩年之內
僅有

西陂類稿

卷三十八

三

皇上行幸古北口一差卽行巧卸而令最繁最衝
之鄰封代行供應其為偏累實屬已甚前蒙憲批
兩道會議固已上邀一視同仁至意嗣因會議請
撥正項于例未符未蒙允行其亦何敢再瀆憲聽
惟是如許金錢懸項未補通永州縣又復迫切哀
籲勢不得不為上達此項車價本道于奉行之日
卽已詳請前院乞照西安官兵雇車之例通行直
屬捐輸原詳固具在也合無再請本院檢查前案

俯賜允行或以原爲霸昌之差累及鄰封責令霸昌未曾供差之十六州縣補償庶于偏累少甦更祈嚴飭霸昌各州縣嗣後各應各差不得再扳滋擾俾通永各州縣得以竭力供辦陵寢重差不致貽悞千萬年長頌憲恩于不朽矣

條議畿東十事

竊惟本道承乏畿東已歷三載地方利弊極力興除但學術迂疎自愧漫無建樹茲奉本院虛懷延訪管窺蠡測其何能仰佐高深然而土壤細流海岳在所容納謹列十條祈賜採擇

西陂類稿

卷三十八

四

一曰清旗訟以除民害旗民竝處原可相安國法昭垂無容少絀無如市井無賴率多作奸犯科惟恐有司驅除或投充以自庇或賣身以苟容里中良懦旣爛熟於胸中地內膏腴更稔悉於眼底或指索逋以吞噬或稱己產而混爭旗人告民則挺身赴質公然挾制問官民告旗人則抗不受拘任意拖延歲月甚且行蹤詭祕語言閃爍投詞訟庭或假冒民人希冀倖准剖斷理曲則又稱係旗人下不受刑笞或勝或負無不可以得志倏旗倏民操縱悉由其心近如本道奉刑部發審寶坻縣民

劉二等具告旗人王玉川等一案前據該縣審解
到道玉川與其姪王四冒充牙行事屬扞禁本道
以王四既充牙行卽係縣民法應懲究而王四又
堅稱是旗及至發縣再查又復改供是民現在呈
部查示此卽奸徒冒旗實據其餘詐僞尚多總緣
外吏不敢刑訊以致患成養癰小民受害長此安
窮有司拘守定例莫可誰何奸徒日漸鴟張無所
底止本道久悉此弊亟思爲民請命茲者本院新
臨三輔吏民無不引領望恩似此旗惡大爲民害
首宜立法調劑竊謂外吏不許刑訊旗人蓋指外
西陂類稿 卷三十八 五

省原無旗人住居之處而言若畿內之順永保河
四郡皆係圈佔之區旗人屯種卽同編戶爭訟在
所時有有司自應審理敢祈特賜 題請或照江
南之例設立理事廳員或令就近府廳兼管專一
審理旗詞嗣後如有旗民爭訟有司審明申解本
院批發理事廳員招擬詳報或有事關重辟者咨
明內部庶旗人盡知添有專設衙門外吏可以刑
訊有所畏懼而日漸斂戢民害可以永除矣
一曰聯旗民以入保甲竊惟弭盜詰奸莫善於清
保甲保甲一清則一家之男婦大小旣可按冊而

稽其人之作何生業亦可計戶而晰不特盜徒無所託足抑且逃人難于潛蹤固今日第一急務也本道頃捧憲檄責令實力舉行畿輔地方從茲獲享牧寧之賜矣本道猶有芻蕘之見仰冀採擇就畿內圈佔地方而言之所有旗莊應與居民一槩編入牌甲方可竝施稽察以清奸宄蓋畿內地方凡屬圈佔之區旗莊多十之七八居民僅十之二三使居民盡編保甲而旗莊不在保甲之內則有司於四封之內僅可稽查無多之居民而所不能稽查之旗莊固甚多也欲求奸宄盡清其可得乎

况向來所獲之盜多係投充旗人所起之械多有弓箭馬匹旗人固不住在民家馬匹亦非民間所有則於清查旗莊尤所宜急不待詞之畢矣今應聯入民間共爲保甲一遇有盜互相救援旣敦守望相助之義偶有外人互相盤詰更有憂患相同之情而且旗莊之中向來設有屯撥什庫責令與民間鄉保各司稽察旗莊獲盜責在屯撥什庫民間獲盜責在鄉保各治以罪責成旣重則約束自遵拔本塞源之道莫善於此果能實力奉行寧僅萑苻肅清逃人亦不至於貽害矣

一曰給腰牌以察旗人畿東地方旗民雜處有司衙門每患莊頭把持莊頭不服有司統馭類多武斷鄉曲魚肉小民甚且莊頭之下又有壯丁如投充雇工拉車放馬之輩原非旗人盡行假冒有司無從究詰一槩法不能施稍或牴牾立時嫁禍如寶坻縣之陳莊頭則捏盜以栽囚三河縣之丘莊頭則鬩堂以辱詈此外之凌辱印官吞噬愚懦尚不可以勝計也總緣此輩一唱羣和黨羽甚盛形跡詭祕莫可端倪有司率皆瞻顧隱忍以致惡焰日熾漫無底止本道輾轉思維必得立法稽查始可清其黨類或旗或民俄頃立辨旗人扞法則解憲究懲奸民助惡卽立時責治庶乎兇風少衰小民得有安枕之時合無上請本院特賜題請將各旗屯莊旗人及奉差出外者本管旗主給以腰牌上用滿漢字明書旗色姓名卽如告假給牌之例則在地方生事有司驗有腰牌卽係旗人可以申解治罪如無腰牌卽係奸民冒充立可懲以三尺其有裨於民生吏治匪淺鮮矣

一曰發料價以甦驛困竊惟通永所屬地方旣爲陵寢重地又當兩京孔道山海喜峰係貢道所必

由通州武清乃水陸所交會差使絡繹靡有寧晷以有限之夫馬應無窮之供億在於平日已屬難支近年以來

皇上不時行幸安站車馬尤所必需又兼各處關口進貢出使人員往來如織運送活鹿活虎麀腸海魚蜂蜜等項與夫發遣三逆家口新滿洲烏龍江砲位軍需之類所用車輛動輒千百一時驟至刻不容停無多工料不足以供一二次車差之用而猶支發需時疾呼不應瞬息之間立見貽悞有司受其凌辱夫役盡被鞭笞無米難炊點金少術西陂類稿卷三十八八

止有請發工料車價以濟燃眉耳又有與州縣相距甚遠之驛尤難一呼卽應每遇差至驛員欲求瓦全卑官盡皆重利告貸以期少延須臾而後差又復踵至矣負累日久日深甚至無債可借惟有坐以待斃者屬員固可矜憫皇華豈容倒廢此本道每見各州縣驛官告哀之文未嘗不爲之黯然浩歎也合無上請本院嚴檄飭行將應給工料所需車價預先給發按季冊報庶可移緩就急通融供應而各屬從此可以少紓重困矣

一曰停設法以杜加派竊惟加派之弊

嚴而設法之語時見部文夫設法二字卽加派之別名也時時申飭有司不許加派里民則公家之務自應議動公帑而部咨所開率多令官設法或所費無幾猶可勉力措置乃遠如西安雇車北口運米近如修葺城垣無不責令設法夫雇車運米之費動需數千修葺通薈等城之費更盈鉅萬若令捐俸則通永所屬之官俸有幾况被盜案所累有歷俸止一年而罰俸至數十案者類皆稱貸鬻產以應起解本道之受累尤甚尚何俸之可捐無論有司凜惕功令不敢加派卽欲加派亦不能

向地圈丁逃之區啼饑號寒之民而索取錙銖以供此不貲之費也向年雇車一役通省公捐尚爲衆擎易舉所最苦者無如運米之役需車至數千輛雇價至數千金請發竝無分毫止有設法二字本道捧檄悚惶而嚴限僅有旬日何能咄嗟立辦各屬人人自危無不攢眉相向時日甚迫本道不得不多方措借以爲各屬之倡迄今重債未償各屬紛紛申請原議通省公捐迄今事竣已經數載究竟未奉允行本道抑鬱此中無可控訴茲承本院明問固披瀝上陳之時也嗣後准部咨有以設

法責成各官字樣伏祈卽行咨商或賜 題請動
發公帑以辦公務庶免屬吏非常之累否則重費
難辦不肖之員勢必徑行私派反致累民重煩白
簡之驅除矣

一曰革倉弊以紓民困通永所屬州縣皆爲圈佔
之區所剩民地無幾率多瘠薄窮年力耕僅足供
賦一遇水旱不免流亡一切加派橫徵固已力行
禁革至於永屬倉糧尙稱弊藪本道於受事之始
廉知其害如徵收糧草包攬折色價值相倍嚴加
禁飭務使親身交納本色且如收糧斛斗底面相
西陂類稿 卷三十八 十
同親行較驗悉照部頒式樣另發徵收又有糧草
通關格眼冊月報單比簿等項名色徵糧既有全
書由單通關等冊俱屬繁文盡行革除與夫徵收
耗費釐剔無遺所慮法久弊生將來仍踵舊習則
於民害究竟未能永遠革除且恐不肖之官陽奉
陰違惟知潤橐罔畏刑章根萌熅燃終將滋蔓茲
蒙本院軫念民瘼虛懷延訪興利除弊包攬加派
之害首行革除無俟本道多贅而猶復以之上陳
者惟祈特賜嚴禁勒石永垂俾畿東之民千百世
之下無不仰戴恩施誠不朽之大業也

一曰稽筏手以防逃盜竊惟逃人盜賊爲害最烈稽查之法極宜嚴密惟是土著之民載在保甲者可以按籍而稽外來流民則其行蹤如同飄梗原無一定之所無可從而究詰所以逃人盜賊往往混入其中流毒地方害無已時也如永屬之木商所雇筏手動盈千百皆係外來流民擾害地方不一而足如牛自富之毆死李二道羅一弘之強姦王氏而刺傷其胸皆筏手也本道前據永平府條議以此輩實繁有徒蹤跡難以究詰請給木牌詳開年貌以便稽查固屬甚便乃移商權部堅執不允嗣後逃人盜賊仍然竄伏其中不特貽害本地之民該管有司亦罹失察之咎地方之弊莫大于是合無上請本院檄行該府會同權部將現在各商筏手詳查年貌給以木牌造冊報院如有逃盜地方官可免波累而稽查易施亦不致如已前之擾害地方矣

一曰飭駐防以戢擾民竊惟設立駐防滿兵所以固疆圍衛民生也始通屬之三河寶坻玉田三縣永屬之灤州各設駐防滿兵統之以城守尉自應申明軍紀不使擾民庶不上負朝廷設防之意

無如各兵不遵約束恣意擾民在三河之防兵則
閫城垣傾頽而兵婦小厮不由禁門出入止在城
垣頽處往來早晚之間任其自如禾稼將熟放馬
踐踏羣行市集短價強買小民被毆而不敢言長
吏雖見而不敢問曾經余令條議此其最彰彰者
至若玉田防兵擾民之事亦略相同寶坻遠在海
濱常被放馬之人爲害在於灤州則灤河一帶向
有窮民捕捉魚鰕以資餬口今被駐防滿州所踞
不許窮民捕賣止任此輩漁利以致窮民無可資
生含冤莫訴尤爲民患之大者似此四城滿兵名
西陂類稿

卷三十八

十一

爲防盜而地方之內刦掠公行竟未見擒一盜原
以衛民而城市之中攘奪時告反爲民增一害本
道久所稔知其亦何敢瞻顧隱忍而不上陳於本
院之前乎伏祈特賜移知駐防嚴加約束不得仍
前滋擾民間攘取民利則閭左獲安皆出高厚之
恩矣

一曰禁重利以恤民艱畿東之民地皆圈佔已無
恒產更逢水旱尤難謀生丁壯或可傭工老稚憑
何度日鶉衣鵠面觸目堪憐飯糗羹藜營求莫措
乞假稱貸用救燃眉固必至之勢也地方土豪率

多串勾旗棍乘其阽危索取重利本銀則七折八折利息則九分十分或計日以加增或按月而滾算至期不償轉票從新利又作本有以銀數兩而至數十兩者有以錢數百而至數十千者期滿又索力不能償私行弔打立逼清楚或勒取其房產或準折其妻孥小民負屈含冤往往見諸訟牘在於已經發覺不難執法究追尚有未經控籲者更屬無窮亦何能盡人而拯救之也此種奸徒所在皆有而惟通州為甚本道訪聞最悉雖已嚴行禁止餘風尚未盡殄必藉本院威靈通行禁飭放債之人務遵定例每兩起息三分如有土豪旗棍怙惡不悛抗禁橫行者嚴拿法懲庶斃斃子遺可免旗棍吞噬得以室家相保其仰戴安全之恩寧有既哉

一曰興教化以厚風俗竊惟風俗之淳漓由於人心之善惡而轉移化導之機自上操之必使為善者知所勸為惡者知所懲然後可以返漓歸淳而成一道同風之治則講約之舉首宜實行也在於有司率多視為故事不曾親詣約所大集紳衿鄉耆宣揚六諭廉訪為善之人與夫作奸之輩面

行勸懲亦何怪乎詬誶常聞獄訟時作如江河之日下而不知所止也夫興行教化爲吏治所首重近來有司不能身體力行所當上請本院嚴飭從實舉行以爲移風易俗之本至學校又爲教化所自出如月課之宜獎賞貧士之應賑恤咸當次第舉行若民間子弟有雅志讀書而負笈無資者合於州縣之大者設立義學四處小者設立二處使之肄業其中卽擇學中文行兼優之諸生以司訓迪所需修脯如有學田卽於學田之內取給如無學田本道與州縣各官捐俸支給各義學中置課西陂類稿

卷三十八

十四

簿一扇每於季終申送查核如果諸童文義可觀卽已著有成效諸生立行獎賞諸童竝與甄錄以示鼓舞將見戶誦家絃畿輔之內羣荷作人之雅化於無疆矣

薦彭令詳文

竊照畿左州縣最爲衝疲而三河一區尤稱彫瘵地被圈佔所餘無多民久逃亡僅存遺孑當兩京孔道供應甚繁轄百里提封送迎况瘁城無完堞奸宄之窺伺堪虞野有流鴻萑苻之剽竊時告又兼起發逆屬日需車輛甚多更患押送旗丁橫索

金錢無算若非強項之令何能擔當稍思瞻顧之夫無不消沮里塾鞠爲茂草絃誦罕聞子弟惰於橫經媵修多怠撫綏必資循吏整頓亟需長才大施補救幹旋方可勝任愉快知縣彭鵬以耿介之守茹蘖飲冰用通敏之才發奸摘伏不畏強禦常觸怒乎旗人保全善良絕不侮乎矜寡勤講藝以訓士子教化興行輕徭役以恤黔黎惠澤廣沛晝夜巡徼徧歷城市鄉村往來押車罔計跋涉勞苦見押送之需索挺身力爭遇投充之恣橫繪圖上籲片言折獄聽斷無私三載甘貧淡泊自勵似此

西陲類稿

卷三十八

十五

實心實政無慚作父作師所當亟請褒揚以爲勞吏之勸者也本道訪聞最確幸遇本院破格獎拔循良之時不敢蔽賢以負盛意特用上陳統祈鑒允先賜獎勵如果後效可觀再行題薦庶激勸昭而羣吏咸知奮勉矣

山東臬司條議四事

竊照本司昔在西曹斷獄務求不枉今叨東臬鞫囚尤矢無冤况逢本院念切好生更當仰承德意每於命盜重案俱屬民命攸關無不剖隱抉微細心推勘庶幾惟明克允論辟公平惟是山左民多

鬪狠俗善攻剽案牘紛紜命盜十居七八情事果
真自應一一伏法無如捕役每多誣良訟師率工
傾陷若不嚴加創懲流禍莫可底止所有積弊竝
應革除本司聞見最真合無呈請本院俯賜通飭
於以清刑獄而安民生惠政所垂真無紀極矣

其一誣良之害宜除也山左盜案較諸別省爲多
司民牧者自應多方消弭務使奸宄屏息閭閻
寧方稱厥職乃於平日既不講求消弭之方與夫
防禦之法及至一聞剽劫始倉皇失措懼罹叅罰
罔恤民瘼或諱強爲竊或諱劫爲仇勒改報呈多

西陂類稿

卷三十八

六

方捏飾止求瓦全於一時不顧敗露於後日如濟
寧衛之徐士貞被盜焚劫燒死二命而勒改是仇
將無辜之楊開美等酷刑供認俱陷大辟經本司
審屬冤誣現在報叅如臨朐縣之官衙被劫捕役
張坦誣拏良民周青年等五人爲盜歷經研訊絕
無贓據亦在查取職名報叅卽此二案現經摘發
者已足爲誣良左券矣其有勢難諱隱申報之案
已經拏獲盜犯每多遲延不解旋卽報病報斃希
冀滅口充數倘有冤誣無可自白此種屈情殊尤
痛心又有案緝之盜內有臨限報獲隨報病斃尤

多妄拏平人致死銷案情弊所當並行立法釐革
嗣後各屬獲盜如在當場被擒賊械無俟起獲本
犯供認足憑一面追緝餘黨卽將現獲之盜於五
日內解府該府訊確於五日內解司本司審明卽
於五日內解院如係緝獲之盜或俟起獲賊械則
改限以二十日內解府該府訊確仍於五日內解
司本司審明仍於五日內解院如敢違限不解指
稱緝拏夥盜任意遷延未經本司親審旋報病故
者除將所獲之犯不准入案外立提經承禁卒捕
役嚴究誣良致死情由遵照定例究擬官以誣陷
西陂類稿

卷三十八

七

平民揭叅庶人知儆惕大害可除二東之民得以
安生矣

其二詞訟之刁許宜戢也本司衙門為庶獄受成
之地各屬如有聽斷不公婪贓枉法卽應報叅以
清吏治小民如有豪強吞噬貪蠹暴虐卽應驅除
以祛民害竊謂郡守為州縣表率尤宜決獄公平
執法不撓俾各屬知所效法庶幾刑措之化不難
坐致合無詳請本院通飭各府將自理詞狀已經
審結者逐件造冊摘敘簡明略節數語於前件之
下每季造冊二本報院報司則於聽斷果否無私

可以按籍稽核無容掩飾如果決獄公平卽可以此而定殿最查一歲之內除停訟之外所理詞訟僅止八閱月耳案件無多每季不過造冊數十頁非屬繁重難事各府亦易遵行者至於民間詞訟如戶婚田土鬪毆細事止赴該管州縣告理卽有命盜重情與夫勢豪蠹惡亦必先控州縣俟審結之後果有冤抑未伸方許赴府具控府審猶未得伸方赴司道控訴再有冤抑始赴院控此成例也近見健訟刁棍或在州縣有詞未結道府曾控未准輒赴省會遠者跋涉千里近者亦不下數百里

跪路號冤攔輿叫屈呼天搶地似有至大之怨不白之情而究其始末或以病死爲人命或以忿爭爲殺搶或以遠年稱近事或將已結作新詞變幻講張莫可方物若有各府季報之冊則其控府與否易於稽核作何審斷一目了然而告詞之虛實亦從可識矣此等奸徒嚴加究處刁詐之風自將漸戢亦使民無訟之一端也

其三獄囚之積骸宜瘞也小民無知犯法羈禁囹圄卽欲改過自新難脫文網受此桎梏之苦豈無悔心之萌卽使罪當情真亦可矜憫矧夫無辜濫

繫更可哀憐衣服不能充身奚問飲食妻子不得
覲面何況親朋更有被人株連原非自作之孽一
入獄門驟難昭雪或染瘟疫而殞生或被箠楚而
畢命拘幽莫告野葬無期本司前任通永道時訪
知各屬多有此弊深爲悽惻亟以瘞埋上請蓋獄
中之隙地幾何日後之囚骸愈積若不盡行起出
葬諸高原將來充牣其間竟成野塚卽使生時犯
法一死已無可加况於存日被冤三尺在所不及
竟填園土終無見天之期長化獄燐永作戴盆之
鬼久埋之骨難免冤氣纏綿新斃之囚更有臭味

西陂類稿

卷三十八

九

侵染疫癘時作痲斃愈多民命所關禁戢難緩本
司受事之後查有歷城縣與濟南府監斃囚犯沉
埋獄內相沿已久尚未更張誠恐六郡之中不能
盡無合行呈請本院特賜通飭凡在監屍骨悉行
遷瘞嗣後如有病斃之犯一經報明卽令親屬領
埋如無親屬方遣土工抬出深埋義塚不得仍填
獄底亦不許拋棄道旁如敢故違專管獄官刑書
禁卒嚴提重處印官卽行揭報此法一立不特澤
及枯骨亦感化人心之一助也

其四解役之疎脫宜慎也各屬起解人犯非關

欽部大伴卽屬命盜重囚差遣必係正身不許代
倩雇覓蓋恐中途疎脫僉差之官旣不免於報叅
同解之役亦難免於拖累不得不慎重也本司近
見各屬申解重犯名雖一犯二解其實僅有虛名
批上姓字雖存途中竝不管押優游家內行止自
由點發之際尚隨同伴唱名投審之時不過雇人
聽點官固漫不經心視爲可緩之務役竟全不在
意置若不急之圖抑且所遣之人率多民壯在於
所押之犯無非奸徒伏處柙中尚有山林之想跋
涉途次寧無奔逸之思况其黨羽甚繁隨處皆可
西陂類稿 卷三十八 二

避匿金錢可利貪心卽入牢籠一旦脫逃多方跣
緝立被叅罰無可挽回若不預籌於幾先必致貽
疚於事後合無呈請本院通飭各屬嗣後起解人
犯務選精壯強健現有身家解役責令親身管押
或有一批而解犯五六名者其一犯名下註明解
役二名如有疎脫卽將原管解役追究與同解之
別役絕不干連則責成旣專自無觀望偷安之事
而批註旣明可免彼此推諉之弊然此止就本地
解審人犯而言本司竊見山左中東兩路爲南北
往來孔道解部逃人重犯絡繹載途所經州縣率

多忽略類以不堪之役管押往往逍遙途中攫取食物擾害民間甚有稽延四五日者深可痛恨并請本院通飭各屬後有逃人重犯押解到境如南來者卽於郟城縣發一小票上註某月某日某時到某州縣一日務行五十里計程定限至德州出境將此票申繳濟南府稽查如有違限按名提究或係兗州府所屬州縣違限關會該府查究如北來者則於德州發一小票註明定限至郟城縣出境將此票申繳兗州府如有違限按名提究或係濟南府所屬州縣違限卽關會該府查究彼此互

西陂類稿

卷三十八

三

相稽察積弊自可頓除庶逃人重犯旣免疎虞而大路居民亦免騷擾之患矣

革循環簿詳文

切照山左地方向多盜警總由保甲視爲具文以致奸宄潛蹤莫可究詰茲蒙憲飭實力舉行數月以來剽竊漸息其效亦旣彰明較著矣州縣有司果能恪守成法嚴加稽查地方卽可永享牧寧之賜其餘繁文固可盡除查有逃盜循環文簿所以備稽查嚴提比也司道行於府廳府廳行於州縣州縣行於捕官捕官轉行於各地方鎮集村莊寺

觀坊店無不責令領簿按月倒換朔望遞結一有
失悞立即差拘到官回銷恣意需索鄉民愚蠢雇
人代書動費金錢不可勝計而又使妨農廢業朔
望進城本以弭盜安民適以害民秦蠹本司稔悉
此弊前任通永道時嚴行禁革茲於受事之後即
行停止乃齊東縣典史金永固猶踵舊習皂役邵
忻等以失悞循環結狀勒索店戶現經告發此外
之妄行者固甚多也地方如有盜警有司立即報
聞勒緝定有限期地方如有匪類牌甲稽查甚嚴
盤獲卽行拏解何必設立此簿且又有司無暇寓
西陂類稿 卷三十八 五

目亦祇虛應故事上下各衙門咸指倒換提比名
色無事則需索陋規有事則指免提比徒供胥役
之漁獵無裨消弭之實政合無呈請憲臺俯賜批
免地方幸甚

江蘇藩司查明司庫虧空詳文
竊照本司叨沐

皇恩簡授茲職念錢糧重大時切冰兢於二十六年十二月二十二日到任後據本司銀庫等房書役稟投已故劉前司任內各項錢糧四柱等項交代白冊并收放紅簿批領卷宗本司逐一細加磨

核査得已故劉前司任內冊造自康熙二十五年九月初三日起至康熙二十六年九月十九日止舊管接陞任章前司交存庫銀一百一十四萬九千三百七兩八錢五分四釐七毫二絲一忽六纖八沙六塵三渺八漠四埃一遂二巡二須九史六清又交存庫銀三毫四絲三忽一沙六渺九漠六埃一遂六巡九須七史一清又交存薛肇元逆本銀二十五兩通共交存庫銀一百一十四萬九千三百三十二兩八錢五分五釐六絲四忽六纖九沙七塵八漠二遂九巡二須六史七清新收銀錢二百九十四萬七千一百五十七兩六錢六分四釐七毫八絲九忽五微四渺四漠四埃九遂九巡五須五史二清二款共收銀四百九萬六千四百九十兩五錢一分九釐八毫五絲三忽五微六纖九沙七塵五渺二漠五埃二遂八巡八須一史九清內開除解放過銀三百一十九萬六百四十四兩二錢九分一釐七毫八絲八忽一纖九沙二塵九渺九漠七埃六遂二巡七史四清外實在應存庫銀九十萬五千八百四十六兩二錢二分八釐六絲五忽五微五纖四塵五渺二漠七埃六遂六

巡七須四叟五清乃查署司移送交代冊內舊管
項下止開實收劉前司存庫銀五十三萬九千七
百九十一兩六錢一分八釐空銀三十六萬六千五
十四兩六錢一分八釐六絲五忽五微五纖四塵
五渺二漠七埃六逡六巡七須四叟五清竟無著
落又前項開除款內那移墊放項下除墊放本省
各營兵餉銀兩已於署司任內催完歸補還項外
實墊放銀二千二百九十二兩四錢四分六釐五
毫竝未歸補起解竊思錢糧絲毫爲重豈可將

朝廷數十萬帑金盡歸烏有因奉憲催嚴切不敢

西陲類稿

卷三十八

三

有違定限除將經手經承現在究詢侵那實情造
具缺款冊呈送并將歸款細冊逐一確查此外有
無虧空同署司交代冊查明另行詳報外合先據
實報明伏乞憲臺俯念庫額虧空甚多交盤例限
嚴迫亟賜鑒裁具題并將劉前司家屬親訊究
追庶國帑有著而交代得清矣

請速 題司庫虧空詳文

該本使司於本年二月初八日以劉前司虧空司
庫錢糧甚多具文申詳至本月十八日蒙江撫都
院田批據詳司庫錢糧虧空甚多殊干法紀但收

放冊籍竝未造報該司又稱此外有無虧空查明
另詳則是該司尚未盡行查明本院憑何覆核卽
此事關係重大劉藩司雖故其生前聞於各處發
本貿易資蓄必多况伊家屬現住蘇城該司自應
立卽傳訊著落追補勿任遲久隱匿花銷庶於

國家錢糧實有裨益也仰司速傳訊追補通盤徹
底查明造冊詳報以憑會核 題叅并候總督部
院批示繳蒙此該本司查得交代定例如前官竝
無錢糧不清接任官查明造冊具結轉報前官如
有虧空一經接任官查報卽行摘款詳叅請 旨

西陂類稿

卷三十八

五

審追成例具在莫不遵循今已故劉前司虧空庫
帑三十六萬六千有奇事出異常本司盤查明白
造具缺款細冊據實照例通報請 題未奉憲臺
題叅蒙批收放冊籍竝不造報憑何覆核等因本
司復查前司虧空款冊旣經造送已蒙覆核若照
定例卽可具 題其收放細冊自應於 題明之
後一面審追一面另造交代各項細冊呈送 題
覆原無庸先行統造彙報也再憲批內開該司又
稱此外有無虧空查明另詳則是該司尚未盡行
查明等因本司復查錢糧交代關係重大况劉前

司虧空如許若不盡行查明則三十六萬六千有奇之數何從據實開報至此外有無虧空查明另詳之語蓋因交代成例未經出結之先前官有不清項款續經查出者應得彙入審追是以遵照成例不敢不慎重聲明今憲臺以此駁詰是以三十六萬六千有奇之侵帑爲輕而本司之循例慎重爲不應矣再憲批內開劉藩司雖故其生前聞于各處發本貿易資蓄必多况伊家屬現住蘇城該司自應立即傳訊著落追補等因本司復查劉前司自上年九月內病故至今已經半載不爲不久西陂類稿

卷三十八

三

侵帑三十六萬六千有奇不爲不多本司已經查明不敢欺 君欺憲故於二月初八日通報自應候憲 題叅請 旨定奪如本司又於十八日奉憲批而私行追收則前後自相矛盾將來問本司以因何徇私欺 君之故實無詞以對况近閱邸抄臺臣唐某叅奏貴州藩庫懸缺一案疏內有庫銀懸款無存撫臣自當一面嚴查是否侵欺一面將空缺情節立即 題叅等語現奉 嚴旨察議本司輾轉圖維非不欲仰體憲心實因事出萬難不敢不再請憲臺俯查定例即賜具 題請 旨

審追以信 朝廷之功令否則例限已屆本司已
報或據虧空三十六萬六千有奇之通詳先將本
司參展以爲不奉憲令者戒事關重大難容緘默
冒昧之愆統祈慈鑒

西陂類稿卷三十八終

孫吉金校字

西陂類稿

卷三十八

三



西陂類稿卷三十八終

孫吉金校字

西陂類稿

西陂類稿卷三十八終

孫吉金校字

西陂類稿

西陂類稿卷三十九

商丘宋學牧仲

公移二

請免淮徐二屬缺丁詳文

據淮安府詳轉據邳州詳稱邳州一邑濱黃運兩河自康熙十七年花山口決人民死徙困苦顛連至十九年決口雖堵而積水在田人民未能復業所有原報缺額人丁九千二百八十九丁又缺額異戶客丁四百四十七丁久已審勘逃亡無徵之項若不急請題豁勢必責之現丁包賠愈致苦累西陂類稿卷三十九一

相應據實詳請又據桃源縣詳稱桃邑賦役全書刊載內有缺額人丁徭銀六千三百七十三兩一錢六分九釐一絲七忽八微一纖三沙五塵原於本縣實在田地內通融代徵俟下屆清審報補奈自兼徵之後屢被災荒不能增補足額久任攤賠故士民援宿邑生員陸爾謐奏准地代丁銀豁免之例具控奉憲批行查議卑縣遵查前項地代丁銀原與宿民同時受累災民久苦攤賠似當比例宿邑一體請豁又據睢寧縣詳稱睢邑地處窪下土瘠民貧廢地二千餘頃逃丁三千餘丁自康熙

十三年以後及康熙二十五年以前銀米麥石拖欠甚多歷來邑令催科豈盡乏術實因各社地濱黃河坍塌失業逃亡日甚卽間有所存一社不過疲癯數人雖正項錢糧尚苦無納何堪再加此項逃亡缺額銀兩責令包賠相應亟請 題豁隨經該府看得江南地方災疲無過于淮屬而邳桃睢又爲淮屬之最苦者水旱頻仍災荒疊見民生昏墊歷有年矣人丁逃竄旣難責輸于鄰邑田地湮沒安能問賦于水濱以致年年拖欠款款無完州縣各官雖頻受罷斥究無裨于正供當此官民交困之際若再因循不行亟賜 題蠲則無補 國課有害民生將來何所底止事關民瘼不得不據實陳請又據徐州詳稱徐州地有八鄉分爲一百三十里一里十排各有原額丁地所謂逃亡人丁者緣明季流寇殺傷災疫死亡有全里殺絕有一里僅存一二排一排僅存一二人者人死丁存謂之亡丁向年恐丁銀失額乃以一里逃亡責之現年里長一排逃亡責之輪管十里始賣鬻而代賠繼無力以應比重困莫支現復成逃人逃丁在謂之逃丁雖屢經編審有司奉爲故事不思力請除

豁拯救民生反行加添新丁博增溢戶口之名故
徐民雖經我朝培養數十年而民生未遂者皆
逃亡之為害烈也康熙二十年前任趙知州申詳
督撫會題請豁隨經部覆因缺額過多飭行確
查俟下屆清編具題到日再議在案今遇各憲
厘念徐民異常疾苦請賑請蠲殷救民瘼而此逃
丁一案實為地方大害伏乞俯電徐州逃丁一萬
四千五百六十七丁該丁則銀三千九百七十七
兩七錢冊上派徵有名完納竝無現戶邀恩題
豁甦子遺而培邦本其造福于徐民者感同天地
西陂類稿卷三十九 三
不朽等情到司據此該本使司看得江左地方頻
經災祲民貧賦逋困苦已極茲蒙皇恩全蠲地
糧閭閻大有起色本司承乏旬宣仰體
聖主德意凡民間利弊自受職以來廣咨博採力
任興除竊查淮徐各屬介在黃運河濱向罹水患
田多滄沒戶有流亡較諸別郡更為困苦如邳桃
睢三州縣暨徐州丁逃賦逋有司按額取盈不得
不責諸現戶包賠糶糴子遺無力輸將勢必相繼
逃亡何怪乎逋賦日多民生日蹙也茲據淮安府
呈詳邳州缺額人丁九千二百八十九丁又缺異

戶客丁四百四十七丁桃源縣原攤帶缺額丁徭銀六千三百七十三兩一錢六分九釐零睢寧縣缺額人丁三千餘丁又據徐州詳報缺額人丁一萬四千五百六十七丁均屬無徵包賠實爲地方大害請照宿遷縣缺一例蠲豁等情前來查錢糧出于地畝徭役辦自人丁似此盈萬累千之缺丁官旣無力包賠民亦何堪貽累不特旣逃之民不能復返故土而現存之戶亦且相率流亡官茲土者席未暇暖卽掛彈章究於逋賦毫無裨益事關 國計民生最爲重大所當亟請憲臺早賜西陂類稿 卷三十九 四
題請照例豁免以廣一視之仁庶幾災黎獲免重累安土重遷可以日見生聚而流離失所之民亦將漸次復業矣

請豁版荒坍江田賦詳文

案蒙總督部院董憲行奉康熙二十六年五月初三日 恩詔內開直省地方有現行事例不便於民者各該督撫詳察開列具題該部確議酌量更正等因欽此除已刊刻謄黃頒布外爲照本部院念切痾瘵心勤民隱下車以來無日不以興利除弊爲要但兩江地方遼闊誠恐見聞難周該司職

任承宣凡有利弊知之必悉仰司卽將所屬地方現行事例逐一確查如有不便於民之處據實詳報以憑定奪又奉江撫都院田憲行同前事該本使司於康熙二十六年十二月二十二日莅任後檢查舊案於康熙二十五年八月初八日奉陞任江撫都院趙批據句容縣民人胡貞等呈稱句邑因明季土寇猖獗東南茅山一帶人戶逃亡遂致田地荒蕪國課無出興朝定鼎催科現在人戶包賠充額重累難支故居民存者復散田地熟者更荒凡同里同甲一輪糧役無不破家蕩產所

西陂類稿

卷三十九

五

有版荒田地八千三百餘畝叩恩勘明題請蠲免蒙批仰布政司查報又於康熙二十六年十月初六日奉江撫都院田批據句容縣詳稱句邑東南沿山邊界自明末土寇竊發劫掠焚燒里民星散計有版荒田地九千餘畝本戶逃亡俱係糧里官役那補賠累緣由蒙批仰布政司查報又奉總督部院董批據該縣詳同前由蒙批仰江蘇布政司查明通詳定奪繳又奉總督部院董批據長洲縣呈稱長洲爲蘇郡首邑獨多版荒之苦地無可耕糧從何出康熙十五年奉旨清田前令李敬

修清出版荒田蕩七萬四千二百九十畝二分五釐三毫時因先奉部文有無虧原額之行是以概入版圖改徵折色查版荒田蕩爲類不一內如水區攤荒田形銷沒耒耜莫施旣不能樹藝五穀又何從徵其折色蓋本邑田地因以浮糧爲累卽熟產一畝其價不過二三兩甚至一兩以內者若此積年版荒苟欲挑填耕耨勢必廢腴田四五畝之價方克有濟貧困無力富豈樂爲而且追徵歷年逋欠又倍腴田價值之數若今日招徠復業仍責其先完舊賦廢腴田數畝之價以易此一畝磽瘠之產必不能矣宜乎田愈荒而戶愈逃官愈叅而課愈誦 恩詔所開現行事例不便於民者莫此若也除職二三年來勸墾復熟田蕩共一十六頃四十餘畝報明司府其外皆屬積荒業佃逃竄絕無可耕之地伏祈憲臺俯念長洲版荒遐邇共悉因未 上聞終爲民累敢請彙疏 題豁荒折銀兩及從前舊欠凡屬荒糧統祈蠲免自後仍遵墾荒事例無論業佃諸人有願承管者聽其出本開墾准予六年後起科全熟者卽完熟糧半熟者折半科則等情奉批仰江蘇布政司查議通詳定奪

繳又奉江撫都院田批據該縣詳同前由奉批仰
布政司確議通詳繳又於康熙二十五年八月內
奉陞任撫院趙批據靖江縣民褚如等呈稱靖邑
沙土三面環江風濤洶湧坍漲不常向年有平沙
灘三則俱一處完糧遇漲則陞科通縣均減坍則
豁賦通縣均加不減通縣糧根不虧 朝廷額賦
此係歷來成例載在全書祇因灘田奉部改爲蘆
課歸于工部平沙版籍屬于戶部錢糧各別以致
漲者紛紛告陞坍者不能豁除所有長安中洲永
興等四圖沿江坍沒田地幾及九千畝至今賠累
西陂類稿

卷三十九

七

糧差乞賜行府飭縣文明坍沒實數造冊詳報或
賜豁糧或循全書定例均攤通縣包補緣由奉批
仰布政司查報又於康熙二十五年五月初八日
奉陞任江撫都院趙批據鎮江府詳稱徒邑坍害
歷有多年康熙十三年以前蒙督撫部院具 題
查勘確實於欽奉 上諭事案內積欠錢糧盡行
蠲豁奈自十四年起至今連又坍沒不止現有張
子巖等告報坍江沙田九十五頃四十二畝五分
五毫沙地七頃九十九畝九分四釐四毫蘆地四
十七畝七分一釐二毫泥灘三十九頃五十畝每

年該完銀一千三百一十六兩五錢三分零錢六萬六千五百六十文零米一千五百七十五石三斗六升零麥三十六石五斗五升六合零查坍民初告之年雖屬無收比追之下尚可勉強支持再一年而加一倍愈罹其重致坍戶無食無棲又兼催呼交迫老弱者垂首待斃強壯者流離遠境蔓引株連及今十載重加十倍若不急請會題開豁則坍民沉淵愈墮上下考成繫累無休等情奉批徒邑坍江田地屢勘屢增前院恐有乘機虛冒情弊是以飭委江常鎮道弔取魚鱗圖冊親加丈西陂類稿

卷三十九

八

勘迄今曾否移司因何杳不轉詳仰布政司移催該道作速勘核明確造具冊結送司通詳會奪繳又於康熙二十六年十二月二十七日奉總督部院董批據金壇縣民朱公臣等呈稱壇邑僻處彈丸民貧地瘠兵燹之餘繼以旱潦疊仍民逃戶散田地拋荒數十年來有司按額追徵百姓照田攤賠困苦流離遂成無可挽回之勢前任總督部院郎題蠲積荒田七萬三千餘畝民爲一蘇頃因進勦吳逆需餉浩繁奉旨凡災荒免糧田地六年起科欽限旣滿前縣令民認墾仍復徵糧民

困如故更遭康熙七十八兩年奇旱十九二十
等年大潦萬民失食道殣相望非惟遠歲積荒之
土認墾者不能復墾竝屢年成熟之田多致拋荒
非惟從前流散之民思歸者不能復歸凡現被災
傷之戶盡皆竄徙通查前後拋荒田地共有九萬
餘畝積年包賠錢糧官民交困等情奉批仰江蘇
布政司查報又奉江撫都院田批據金壇縣里民
呈同前事奉批仰布政司查報又於康熙二十三
年十二月內奉陞任江撫都院湯批據江都縣申
詳里民藍岳等呈稱坍江田畝共有五十九頃三
西陂類稿

卷三十九

九

畝六分五釐八毫請以將來新漲之洲三分陞蘆
七分補漕漸次抵除以豁坍江之虛賦上全 國
賦下甦民累等情經前司於康熙二十六年七月
內詳奉江撫都院田批坍江田地累民賠賦議將
新漲之洲三分陞蘆七分補漕其坍漲之田俱隨
大丈陞除但漕田額賦不容懸缺新漲科則甚輕
豈能一時補苴據詳漸次抵除終非確議仰再從
長定議妥協另文通詳核奪繳各等因到司俱經
前司署司任內轉行各府勘報在案今該本使司
查得江屬句容蘇屬長洲常屬靖江鎮屬丹徒金

壇揚屬江都等縣錢糧繁重歷來官受叅罰民困轉輸積累相沿已非一日其間復有坍荒額賦未奉蠲除里民攤賠無力以致節年奏銷掛欠纍纍今恭逢 皇恩蠲豁錢糧閭閻大有起色本司承乏旬宣仰體

聖主加惠元元各憲愛養撫綏之德意凡民間利弊自受事以來廣咨博採急期轉達上請興除竊查句容縣申覆胡貞等原控版荒履畝丈勘實有八千三百九十三畝零又政仁八圖一併丈勘計有荒田一千二百四十九畝據稱始自明末拋荒西陂類稿 卷三十九 十
歷來錢糧因奏銷攸關往往俱責糧里官役代賠爲累日深亟應確勘詳報又查長洲縣版荒原於康熙十五年奉文清丈案內見清出田蕩七萬四千二百九十畝零彼時奉部文有不許虧額之行未敢請豁仍循舊例徵輸折色以足額賦於康熙二十六年八月內該縣通詳各院批司查議行據蘇府詳覆前來查版荒田內現有復熟田一千六百四十二畝零在謹陳清理等事案內詳報此外荒折田畝應行勘確分晰荒熟造冊詳奪又查靖江縣濱江之地坍漲不常全書定例設有平沙灘

三則遇漲則陞科通縣均減坍則豁賦通縣均加
總不失額徵之數後因蘆灘一項改歸工部奏銷
錢糧各分款目不能通融會算是以蘆課雖有丈
增而前項坍沒田地幾及九千畝之多至今賠累
糧差今據該邑民人褚如等呈請豁免應請飭行
該府丈勘坍缺確數造冊詳報又查金壇縣荒民
朱公臣等呈稱壇邑積荒田畝因軍興需餉奉文
開墾起科前縣令民認墾徵糧以致民困如故實
共版荒九萬餘畝現在人戶包賠官民交困等語
亟應請飭該府確勘詳報又查丹徒縣申詳坍江
西陂類稿

卷三十九

十一

最為民困沿江田地盡成一片汪洋而錢糧仍存
戶內坍戶望水賠糧折骨難完故有張子巖等曾
以田坍成江等事疊控通詳又版荒積累雖經委
員勘明亦尚未題蠲虛懸民累又查江都縣坍
民孫繼登於康熙十四年起至康熙二十年止共
計坍沒田五十頃一十六畝零又續報坍民張元
長等於康熙二十一二十二年坍沒田八頃八十
六畝零二項共田五十九頃三畝零先據里民藍
岳等呈稱前項坍田俱係望水賠糧議以嗣後新
漲淤洲三分墜蘆七分補坍等情亟應飭府確勘

詳報以上句容等六邑坍荒地除丹徒縣坍江已奉陞任撫都院趙飭委江鎮道親加丈勘見在移行查造冊結另詳核奪外所有句容長洲靖江金壇江都五縣坍荒若不速行專員確勘詳報題豁則各屬無田之糧災民包賠苦累日甚一日無所底止相應詳明伏候憲臺俯念各屬坍荒困累實甚特檄專委各該府正躬親查勘確實造具冊結詳報核題蠲豁庶各屬災黎既受皇恩從前通行蠲免復被憲德將來永絕賠累矣

請停銅劬採辦詳文

西陂類稿

卷三十九

十一

竊照朝廷設官分職在因事以制宜臣子殫力奉公應審時以處務蓋舊章不難于遵守而新令尚須夫變通茲有勢出萬難如採辦銅劬一事幸逢恩詔廣諮豈容緘默不言所當亟請更張以求毋悞公務者也夫蘆課辦銅責成藩司以公帑之錢糧應公家之急需自應竭趨承獨是部價甚少市價甚昂採辦運解賠累多端實非智所能謀力所能勝卽略舉掣肘之處其不便有四請爲憲臺陳之查銅劬一項於康熙二十三年七月內經戶工各部會覆錢法侍郎佛題請議將蘆課

并各關增添銅觔不令匠役出局每月鑄錢二卯可杜盜鑄之弊令于江寧撫屬蘆課銀內動支一萬一千五十兩辦銅十七萬觔安徽撫屬蘆課銀內動支三千九百兩辦銅六萬觔湖廣省蘆課銀內動支六百五十兩辦銅一萬觔江西省蘆課銀內動支六百二十兩七錢五分辦銅九千五百五十觔在大部理財經國之道誠周且至矣第江南地方既非產銅之區又非聚銅之處商販向屬稀少且經各關歲歲購辦搜刮殆盡若在江蘇一處歲欲辦足十七萬觔爲數甚多以極多之銅採西陲類稿

從前原屬蘆司管理今銅觔一項大部議于關稅銀內增辦蘆課銀內派買蓋以昔日之蘆差比例今日之關差是以一併及之殊不知蘆課自歸有司之後十數年間每年照地丁一例刊布由單正額之外禁絕錙銖耗羨非似關稅按貨譏徵歲月盈餘堪以充用今部價每觔六分五釐而各處市值則每觔一錢五六分及一錢七八分不等彼此懸殊苟給銀不足孰肯輕售雖大部可以責之藩司而藩司豈能強取之商賈計銅十七萬觔照市價約算歲不敷銀幾二萬餘金且邇來關銅業奉

部題定價一錢而蘆課比例題請未邀部允此等銀兩天不能降地不能出養廉薄俸卽盡數全捐何補于事此部價不敷賠累之不便二也再銅觔解部向雖詳明每擔動支蘆課水脚給銀六分五釐此奉文之初從省酌用寧減毋浮試思鄉鎮市廛肩挑小民負荷貨物一擔行不數里索銀二三分不等自蘇抵京計程數千餘里豈此纖微水脚果能敷用乎卽如辦完發解則包索有費募夫挑送上船則脚價有費雇船裝運則水脚有費押解員役則資斧有費銅船到通盤剝交部車載夫搬

則力役有費以及祭祀江河犒勞水手與關津盤
驗阻風守凍守候掣批耽延多費若吝惜不給必
滋貽悞何能無翼而飛不脛而走此辦完解運之
不便三也前司曾將辦解維艱價值過少情由具
詳荷蒙前撫都院湯會同總督部院王 題准部
覆以安徽湖廣江西係藩司動支蘆課採買竝未
請停增價爲駁查安徽雖止辦銅六萬觔而採買
運解包賠多累同屬煩難前司曾准屢次咨移會
詳停辦因下江所請未邀部允未敢再請而賠累
之苦未嘗不言及也至湖廣止辦銅一萬觔江西

西陂類稿

卷三十九

五

止辦九千餘觔江蘇計多一十六倍不啻天淵且
湖廣乃出產之藪江西爲聚集之方所辦無多非
可同日而語惟此下江之銅四路分購艱于完辦
此派買數多之不便四也有此不便四端掣肘實
甚本司竊思司庫有一項之收存卽有一項之解
支竝無閒款堪以通融此等價外盈千累萬之金
錢實係無米之炊巧婦所難前司欲令產蘆各屬
照額動辦而州縣各官俸微力薄焉能承應勢不
得不派諸洲民輸納蓋以蘆洲爲佃民之恒產舍
洲民外無可誅求是從前辦解銅觔內部名雖責

成藩司而究竟賠累實係洲民其爲不便于民之事無逾此者本使司叨蒙 皇恩特簡惟有益勵素心潔己愛民方可報稱萬一斷斷不敢仍蹈積習派洲民承辦以滋譴戾然令本使司自行採買計銅十七萬觔照市價一錢八分一觔積算需銀三萬零六百兩除動支蘆課一萬一千零五十兩止可買銅六萬一千餘觔外尚少銅十萬八千餘觔需銀一萬九千五百五十兩解銅水脚之費尚不在內如許金錢而責之數十年來飲冰茹蘖之窮員其將何以賠辦哉揆情度勢必至貽悞與其西陂類稿 卷三十九 六

被叅于異日何如公籲于斯時所當亟請本院俯鑒顛末會疏入 告將此項銅觔分派產銅省分採買供鑄庶價值稍賤可以辦解無悞非惟江省洲民永免額外誅求而藩司一官亦可無徒受叅罰之患矣

江西曉諭軍民示

照得楚省譁兵屢據塘報奏捷時下大兵雲集指日即可撲滅已經出示曉諭乃有奸徒李美玉袁大相妄布訛言業經審明按軍法處斬訖原無黨羽竝不株連一人合行明白曉諭爲此示仰兵民

人等知悉奸徒犯法罪由自取本都院莅任方新
愛惜兵民視同一體一切調度機宜業已綢繆未
雨密為布置極其周詳爾等各安本業毋聽訛傳
煽惑自貽伊戚有負本都院惓惓告誡至意

議復先賢祀典檄

照得祀國之大事也道統之似續功德之漸被名
節大義之昭垂皆足以興人心而扶世教不但慮
神明之怨恫也按南昌府志舊有先賢祠宇甚多
或分祀或合祀禮所謂有其舉之莫敢廢焉者也
而今多已蕩為荒煙野草將欲各踵其舊址而復
西陂類稿 卷三十九 七
之為費不資無所措給本都院思建理學名賢為
一祠忠節名賢為一祠萃其主而合祀之其於典
禮宜歟否歟夫澹臺子友教於此開西江聞道之
始其理學之冠乎繼此則濂溪先生也三先生祠
所謂南軒東萊象山也豫章二十四先生祠象山
外則五羅從彥倫洪先
欽順汝芳二陸九韶
九齡二李燔
材二張洽
元
禎二吳澄與
弼二胡居仁
直二鄧以讚
元錫黃灝歐陽德
鄒
守益魏良舒芬王槐也豫章先賢祠其不重見者一
胡儼二萬廷言
思謙也王文成公雖祠同仁疑不可不
更享於此蓋亦原有專祠也凡此其皆可合焉否

歟澹臺子現有專祠亦宜共享歟抑祭義有祭不欲數之說或嫌於瀆歟其中諸儒已經前人定入祀典非大有可議固不宜祧然而一二未甚著名者其果皆符於公論歟據南昌府學南昌新建二縣學查稱饒雙峰陳雲柱章本清鄒南臯四先生擬應增入祠內此邦名儒最多一開增入之例得無議論滋擾歟一祠不能容多主如果止此四先生卓卓出衆輿論僉同紳士呈明到案定奪此理學名賢所宜慎重確議者也再如五賢祠所謂梅福穉徐穉有清節者也陳蕃范甯章丹有忠功者也

西陂類稿

卷三十九

六

大忠祠岳

飛

文

天

謝

枋

三公忠

臣廟趙

德

劉

齊

牛

海

龍

繼

李

先

等十四公

同仁祠

孫

繼

胡

世

許

遠

王

守

伍

文

定

唐

龍

六公旌忠廟

孫許已見之外別有周

憲

黃

宏

馬

思

宋

方

四公大節祠

黃

子

練

子

寧

以下十五公

江丞相

萬

里

黃司空

法

皆忠類也

蘇雲卿亦高節也

其豫章三賢祠

舒魏已見二十四先生中

熊

浹

於

郡乘不稱爲理學或宜附祀于此歟

青雲譜原梅

仙祠也似宜易額而復其主

陳仲舉易像以主去

左右配

革天王之邪號

孺子墓已立祠

黃司空有

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

韋公仍于石亭寺復其主

蘇雲卿奉主於百

廟存

花洲上之亭可歟否歟是六公者或有專祠則不
必合祀歟抑不妨兩祀之歟江丞相或可於縣庠
舊地小構數椽歟抑祀於此歟同仁諸公現有
祠又復當合祀其人歟否歟據南昌府學南昌新
建二縣學查稱名宦韓雍林俊蔡清李夢陽四公擬
應增入祠內夫郡縣學已有名宦祠春秋血食矣
或猶不足以報其德澤之及人歟抑止應於原有
祠廟者補其闕廢而不必他及歟如果此四公者
功烈特異出衆議之同紳士呈明到案定奪按蔡
有功聖經賢傳亦在理學之列似不與韓林李三
西陂類稿卷三十九
九

公爲類者是歟非歟凡已在祀典者前人必有定
論而增損於其間則其事鉅其關繫匪輕衆論難
于合一將無築舍道旁歟此又忠節名賢所宜慎
重確議者也事關千秋大典爲此仰提學道卽便
會同布政司於牌內所列先賢祠祀事理宜分宜
合宜專宜附宜增宜否一一精酌詳議明白申呈
以便舉行

頌行學規檄

照得風俗之淳漓視乎人心士習之邪正本諸學
術故志必于道而教則有方本都院搜覽先儒語

錄文集見胡文敬公續白鹿洞學規簡易切當深
有裨于人心學術各屬諸生居文敬公之鄉世之
相去未遠豈無私淑之懷合亟抄發學規用作砥
礪爲此仰道官吏照牌事理卽將抄發續白鹿洞
學規檄發各府轉行所屬刊榜學宮并白鹿洞書
院俾諸生咸知作聖之本入道之功朝夕講究務
期躬行實踐日久自臻賢路不可惑於異說狃于
習俗以致離道日遠自甘廢棄該學教官并白鹿
洞司教不時宣講勤加訓勉兼課經書策論題目
辯晰義旨無廢舉業庶幾德行文藝漸有進益大
抵今日講學務嚴絕利欲奔競與夫好高喜異之
念而以聖賢爲必可爲知行博約各循其序然後
義理精明操行純固發之文辭自無悖謬荒疎之
患遵文敬以紹紫陽卽是宗濂洛以邇鄒魯希聖
達天無俟他求矣諸生中有能苦志勵行者該府
縣不時申報以憑優獎毋得虛應故事置諸高閣
有負本都院期望士子苦心仍取各遵依報查

咨河南撫院送 文廟祭器文

爲照 文廟祭器載在典制必燦然美備始稱偉
觀中州兵燹之後祭器殘缺甚多本都院叨撫西

江適見南昌府 文廟內陳設祭器用瓷燒造式
樣精工宛如前代法物隨捐資照式燒造大小共
計一百六十八件裝一十六甯敬送歸德府 文
廟陳設以仰佐貴都院振興文教盛心相應咨會
爲此合咨貴都院請煩查照轉行敬謹收貯以垂
永遠施行

計開

第一甯象尊一件 簋四件 小燈臺四件 爵四
件

第二甯犧尊一件 簋四件 大燈臺二件 小燈

西陂類稿

卷三十九

三

臺十件 爵四件

第三甯簋七件 爵四件

第四甯簋八件 爵九件

第五甯登一件 簋六件

第六甯簋一件 簋五件 劍二件

第七甯簋六件 劍二件

第八甯簋六件 劍二件

第九甯太尊一件 雲雷尊三件 簋一件 劍一

件

第十甯雲雷尊一件 著尊一件 壺尊二件 劍

二件

第十一笏雲雷尊一件著尊二件壺尊一件
銅二件

第十二笏太尊一件著尊一件壺尊一件銅
一件香爐四件

第十三笏太尊一件著尊一件壺尊一件香
爐七件

第十四笏香爐十六件

第十五笏香爐十六件

第十六笏香爐七件

西陂類稿

卷三十九

三

修澹臺子祠墓檄

照得崇功報德敷政所先敬道尊賢致治之本先
賢澹臺子南遊江楚終老豫章丘壟現存已歷二
千餘載墓旁有友教堂爲宋淳熙中所建明正德
萬曆間重加修葺歲月既深漸至頽廢昔柳下之
塋曾禁樵蘇于百步信陵之塚亦置典守者五家
矧澹臺子以 聖門高弟倡道西江而使松楸彫
殘祠宇傾圮每當拜瞻彌深慷慨歎夫興廢舉墜司
風教者之責也合行查議爲此仰司官吏照牌事
理卽便會同提學道遴委能員親詣澹臺墓清理

界址將墓道祠宇作何修葺酌量估計約需工料若干應動何項無礙官銀一併會議妥確造冊詳報以憑批奪擇日興工表彰前哲在該司自有同心也佇俟佇俟

議復鷺湖書院檄

照得崇敬先賢興起來學所以淑人心而隆治道關係甚大查廣信府鉛山縣有鷺湖書院爲宋大儒朱文公呂成公陸文達文安諸公會講之地遺像在焉四先生之靈爽實式憑之春秋修祀載在令甲自宋迄今屢經興廢明景泰中撫軍韓襄毅西陂類稿卷三十九
三
公肇建祠宇正德中提學副使李公崆峒拓地再遷迨我朝順治甲午經前撫院蔡重修以來幾四十年值甲寅兵燹之餘盡皆頽毀鞠爲茂草凡來登降莫不憮然本都院撫江四載已于省城創建理學忠節二祠合祀羣哲于凡遠近書院將圖次第修舉茲膺新命調撫江左獨於此舉尚未及行良用疚懷合行查議爲此牌仰該司照牌事理卽便會同提學道遴委賢員親詣相度應作何修葺務須不華不陋堅固可久確估工料若干該司道酌動無礙官銀給發委官董理興工逐一修

整俟竣工之日仍繪圖具報本都院查考光先賢之俎豆繼韓李之芳型本都院于該司道有厚望焉佇俟佇俟

捐俸續置鹿洞學田檄

照得鹿洞書院昔號廬山國學爲大儒講學之地四方諸生肄業其中彬彬甚盛今幸逢右文之世蒙

皇上親灑宸翰頒賜懸額隆儒重道尤爲亘古希覲本都院秉鉞西江仰體德意訪求名彥專司訓迪諸生負笈來學無非王國之楨良可嘉尚惟是

西陂類稿

卷三十九

十四

旅食艱難篝燈乏費洞中雖有舊設田租恐不足用本都院心竊念之今特捐薄俸少許續置洞田用佐肄業諸生燈火之資少慰本都院振興文教之心合行檄發爲此仰府官吏照牌事理卽將發去本都院俸金四十兩查收明白立卽置田收租爲鹿洞諸生涓滴之助仍卽具文報查毋違速速

江蘇查名賢祠檄

照得推崇先哲宜彰俎豆之光仰企前徽用展式廬之敬吳自至德開疆人文蔚起碩彥名卿後先接踵理學經濟彪炳汗青其間或以忠節著或以

文學稱或以功業顯流風餘烈洵堪尸祝千秋本
都院夙昔讀書懷古卽深尚友之思茲者移撫名
邦正慰景行之願乃緣簿書填委久欲瞻禮而未
遑爰擬歲首親詣各賢祠書院特申崇禮之誠但
必其人德業聞望卓越今古表表史冊者庶稱本
都院瞻仰至意其不甚彰著者寧慎毋濫姑闕之
可也合行查議爲此仰府官吏照牌事理卽便飛
飭府長吳三學教官徧訪蘇郡名宦鄉賢專祠書
院除泰伯三讓高風延陵致國守義自無庸置議
外其餘一切祠宇微論年世遠近後裔盛衰總以
西陂類稿

卷三十九

三

名實相孚事蹟班班可紀者會議叅酌考核論定
造冊彙報毋濫舉毋遺漏以憑察核施行事關大
典匪可草率從事如或所議未協惟該教官是問
慎之慎之

飭查東林書院祀典檄

案據無錫縣呈報東林書院現在配祀木主銜諱
等情到院據此爲照入祀諸儒共計七十餘位其
中先後祔祀某某奉何批行某某何時立主某某
因何得以與列自應細查明白逐一造報冊內未
據開明又查書院諸生錢肅潤編道南正學目錄

四卷列從祀八十餘位與該縣呈送書冊多有抵
牾如目錄有曾櫻林宰左光斗李應昇周順昌周
宗建黃尊素姚希孟陳仁錫徐汧楊廷樞十一位
又末卷有胡時忠堵景濂錢爾登三人而書冊竝
未開載據書冊有秦爾載陳正卿陳揆秦重泰四
人而目錄竝無又據稱撤去刁包憚日初二位木
主亦未聲明是何緣故應否遽撤案查從祀如是
之多中間豈無冒濫除原配位羅胡喻尤李蔣及
邵二泉七位外又天啓間所定顧涇陽涇凡錢啓
新薛元臺安我素劉本儒六位又崇禎間所定高
西陂類稿 卷三十九 三

景逸葉閒適陳筠塘吳素衣許靜餘鄒經畬六位
從祀已久俱無容輕議外其餘自應一一確核爲
此仰府官吏查照來文卽將道南祠現在附祀木
主遵照檄內事理查明造具書冊該府仍逐一親
加確核或係理學先儒或係忠節名臣或應照舊
從祀或應議祧明白註冊詳送以憑酌奪東林祀
典關係理學薪傳非比汎常久知該府留心正學
寧嚴毋濫勿徇勿偏務愜公論仍飭該縣嗣後如
有請祀務須詳候批示可否毋得擅置木主私送
入祠致干查究未便書冊目錄二本并發

批允東林書院祀典檄

案據該府呈詳東林書院配祀木主等情到院據此爲照東林一席爲龜山先生講學地從祀諸賢皆其薪傳嫡派必淵源之有自斯俎豆之無慙當日顧高兩先生所定慎重之意猶可想見不意邇來波流日頽冒濫漸廣毋論私議擅增者固多阿狗卽經前次更正者亦非定評甚至以道南之瓣香爲交遊之情面仰羞往喆俯忝家聲嘻風斯下已間復繹前院湯批詞有云啓禎諸君子直節清修謂之東林黨人則可而於書院無與旨哉斯言西陂類稿

卷三十九

三

又云爲今日計當倣前人釐正忠定諸先生遺意而爲之嗟乎在今日若果加釐正議撤者恐不止刁憚兩君矣本都院自愧中州樸學辭章小技於斯道未嘗涉其藩籬是以不敢遽爲軒輊據該府詳稱應倣文廟位次斟酌等殺分別于堂廡之間祇慎重於將來毋更張于已往所見甚正持論亦恕今擬於前十九位外增進馬素修先生一人計共二十位倣十哲例配享堂上其史玉池先生以下五十三位倣先儒例依時代次序分別東西兩廡至於左周諸公大節已炳日星原不藉東林

重餘子僅僅稱鄉黨善士者又不足重東林既未設有牌位不必更添地足自後毋得輕進一人以干清議除詳批發并出示曉諭外合就飭行爲此仰府官吏文到轉行該縣遵照更定位次依序安設并將前院湯批詞及本都院此檄楷書刻石置諸講堂壁間仍卽具文報查毋違

議災田溢完銀米通准流抵檄

據該司道會詳准揚徐等屬上年災田溢完錢糧一概不准流抵或另詳請咨聽部議奪緣由到院據此案查先據該司會詳准揚徐等屬上年災田

西陂類稿

卷三十九

三

溢完錢糧不准流抵惟徐州于定例應蠲之內尚有溢完准其流抵等情當批該司會同妥議畫一具詳去後今據議將徐州溢完同各屬一概不准流抵但查准揚徐各屬上年非常水災民生困苦是以會疏題請將應徵銀米破格全蠲因部覆未允又經會疏題請將三十五年地丁漕項錢糧全蠲其三十四年未完錢糧暫行停徵欽奉特旨這三十五年一應錢糧俱著照所題盡行蠲免其三十四年未完錢糧亦照所題停徵等因欽遵在案是三十四年停徵者係就未完之數其三

十五年全蠲者係按額徵而言兩次原疏甚明非三十五年亦止請蠲未完也今該司詳稱奉

旨將一應錢糧盡行蠲免似指災田未完錢糧而言既屬臆度之詞亦非原題之意况定例內凡奉蠲錢糧有已徵在官不准流抵次年錢糧者以違旨侵欺從重議罪歷稽往牘凡有溢完俱與流抵竝無不准之案卽康熙十九年淮揚重災亦曾全蠲溢完之銀原准流抵今若將已完之銀不准流抵下年錢糧惟將未完之項扣蠲則被災十分之區同係顆粒無收乃拖欠者既荷殊恩而急公

西坡類稿

卷三十九

五

者不蒙一例事屬不均况溢完錢糧若准流抵在被災小民凡有完過三十五年銀米俱可照依完納之數抵算三十六年應輸之項絲粟皆有著落設有不肖官胥乘機欺隱小民自可執持印票爲之清理難容欺混則徵收在官錢糧不待上司清查自是盡數報出倘不准其流抵小民遂謂完過錢糧業已不准抵算下年之數毋容再問則州縣已徵災田錢糧或不行解支官蠹得以通同侵蝕卽使提吊徵收簿冊核算或將災田所完之項指爲熟田所輸或將熟田未完指爲災田拖欠那移

掩蓋往來牽混任意侵漁種種弊端殊難稽核是不准流抵侵隱弊生准其流抵民得實惠今司詳所謂抵還徒滋官役混冒民無實惠之語似非確論至于徐州照依定例應蠲三分之二數計算內中尚有溢完從前尋常災傷照例蠲免之時尚應流抵及今重災破格全蠲之際反行不准尤屬未協且溢完流抵載在 欽頒定例直隸各省無不遵行其來已久今不准流抵之議創自江蘇始于今日如部覆允從恐將來竟爲成例殊非體恤災黎之意萬一內部執持已徵在官不准流抵原有處分嚴例反行駁叅誰任其咎目下奏期已迫亟應議定以便查造蠲款按數入奏難容延悞除咨商漕督兩部院及安撫都院外合再飭行查議爲此仰司官吏查照來文事理即將准揚徐等屬上年災田溢完錢糧察照 欽頒定例及從前蠲免成案將應否流抵之處該司道會同安藩司再加確議聯銜通詳定奪毋再混延致干未便火速火速



